

U G O V O R

UGOVORNE STRANE:

Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida, ul. Širokac br. 22, Sarajevo, koga zastupa Zijadić Suad, prof. direktor (u daljem tekstu: Ugovorni organ)

i
OD "ŠELE" , Zovik b.b., Hadžići, koga zastupa Kadić Adis, vlasnik (u daljem tekstu: Dobavljač)

PREDMET UGOVORA

član 1.

Predmet ovog ugovora je izvođenje radova na sanaciji i sitnim popravkama nadgrobnih spomenika na kojima upravlja KJKP Pokop.

Radovi se izvode prema usvojenom predmjeru i predračunu sa jediničnim cijenama koji je sastavni dio ovog Ugovora.

VRIJEDNOST UGOVORA

član 2.

Ugovorne strane su saglasne da vrijednost predmeta iz člana 1. Ugovora iznosi
3.381,00 KM

/ slovima: trihiljadetristotineosamdesetjedna i 00/100KM/

Dobavljač nije PDV- obveznik.

član 3.

Ugovorni organ zadržava pravo da Dobavljaču naloži izvođenje predmetnih radova fazno i isti radovi će se plaćati na osnovu privremenih situacija čija će se cijena utvrđivati na osnovu jediničnih cijena koje su iskazane i prihvaćene u ponudi Dobavljača koja je prihvaćena kao sastavni element ovog ugovora.

Naknadni radovi koji su neophodni mogu se izvesti na pismeni zahtjev nadzornog organa uz predhodno utvrđenu i od strane Ugovornog organa odobrenu cijenu.

ROK

član 4.

Dobavljač je dužan ugovorene radove završiti u roku od 30 /trideset/ kalendarskih dana od dana obostranog potpisivanja ugovora.

član 5.

Ugovoreni rok se može produžiti samo:

1. u slučaju zakašnjenja uvođenja u posao, za onoliko dana koliko je trajalo to zakašnjenje,
2. u slučaju više sile , za onoliko dana koliko su trajali razlozi produženja izazvani tom silom.

član 6.

U slučaju kašnjenja u izvođenju radova, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova, koji su predmet ugovora.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

član 7.

Pored obaveza predviđenih postojećim građevinskim propisima za predmetnu vrstu radova, Dobavljač je posebno dužan:

1. da prilikom izvođenja radova preduzme sve mjere da ne nanosi štetu susjednim objektima, saobraćaju i trećim licima. Sve štete koje izvođenjem radova prouzrokuje trećim licima snosi isključivo Dobavljač;
2. da o svome trošku otkloni sve nedostatke koji nisu nastali na radovima krivicom Ugovornog organa;
3. da na zahtjev Nadzornog organa ukloni sa gradilišta nekvalitetan materijal;
4. da po završetku radova, ukloni sve pomoćne objekte koje je koristio za potrebe izvođenja radova i uredi i očisti prostor od otpadaka i drugog neupotrebljenog materijala;

član 8.

Za vršenje cjelokupnog nadzora nad izvođenjem ugovorenih radova Ugovorni organ ovlašćuje: Tehnička komisija Fonda memorijala.

član 9.

Dobavljač je obavezan da za svo vrijeme izvođenja radova uredno vodi građevinski dnevnik.

Potrebne podatke za građevinsku knjigu utvrđuje zajednički Nadzorni organ i predstavnik Dobavljača, a unosi ih stručno lice Dobavljača po uputstvima Nadzornog organa.

NAČIN PLAĆANJA

član 10.

Ugovorni organ se obavezuje da će isplatiti ugovorenu cijenu nakon izvršenja predmeta ugovora i internog tehničkog prijema, a u zakonskom roku od 15 /petnaest/ dana od datuma prijema ovjerene fakture i okončane situacije ovjerene od strane nadzornog organa u Fond memorijala.

MJESTO IZVOĐENJA RADOVA

član 11.

Ugovorne strane su saglasne da je mjesto izvođenja radova groblja kojima upravlja KJKP „Pokop“ d.o.o. Sarajevo.

OSTALE ODREDBE

član 12.

Dobavljač radova odgovara za solidnost i kvalitet izvedenih radova za vrijeme od 2 (dvije) godine, računajući od dana primopredaje radova. Unutar ovoga roka Dobavljač je obavezan da o svom trošku na pismeni zahtjev Ugovornog organa, otkloni sve nedostatke koji bi se pojavili na izvedenim radovima usljed nesolidnog izvođenja ili upotrebe nekvalitetnog materijala.

član 13.

O izvršenim radovima sačinjava se zapisnik koji ovjerava ovlaštenu predstavnik Dobavljača, Ugovornog organa i Nadzornog organa. Zapisnik o izvršenim radovima, predstavlja dokument na temelju kojeg se vrši situiranje izvršenih radova.

član 14.

Za zakašnjenje u plaćanju Ugovorni organ se obavezuje platiti zatezne kamate prema odredbama Zakona o visine zatezne kamate .

član 15.

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima i Posebni Uzansi o građenju.

PRELAZNE I ZAVRŠNE ODREDBE

član 16.

Sve eventualne sporove u vezi sa izvršenjem ovog Ugovora ugovorne strane će rješavati sporazumno.

U slučaju da ugovorne strane ne uspiju riješiti nastali spor, za rješavanje spora stvarno i mjesno nadležan je sud u Sarajevu.

član 17.

Ugovor je sačinjen u 4 / četiri/ istovjetnih primjerka, od kojih 1 /jedan/ primjerak pripada Ugovornom organu, 2 /dva/ primjerka pripadaju Dobavljaču, a 1 / jedan/ primjerak dostavlja se Nadzornom organu.

ZA UGOVORNI ORGAN

DIREKTOR

Zijadić Suad, prof.

Broj:13-14-02-523/17
Sarajevo, 05.10.2017.godine



ZA DOBAVLJAČA

VLASNIK

Kadić Adis

Broj:
Sarajevo,

09.10.2017.
REZANJE, OBLIKOVANJE I OBRADA KAMEI
OD "ŠELE"
Pazarčić, Zovik bb * vl. Kadić Adis